

四庫全書

集部

欽定四庫全書

集部

元詩體要卷二

詳校官中書臣瞿照

助教臣常循覆勘

總校官庶吉士臣何思鈞

校對官學正臣常循

謄錄監生臣龍翔

欽定四庫全書

集部八

元詩體要

總集類

提要

臣等謹案元詩體要十四卷明宋緒編緒字

公傳以字行餘姚人成祖時預修永樂大典
時同邑被徵者五人及書成宋孟嶽趙膚迪
朱德茂張廷皆授官緒獨辭不受是集錄元
一代之詩凡為體三十有六各體之中或以

體分或以題分體例頗不盡一其以體分者
選體別於五言古吟歎怨引之類別於樂府
長短句別於雜古體未免治絲而棼其以題
分者香奩無題詠物既各為類則行役邊塞
贈答諸門將不勝載更不免於挂漏又第八
卷楊維禎出浴絕句實唐韓偓七言律詩後
四句採錄亦間有疎舛然去取頗有鑒裁自
明以來傳本頗稀此本為秀水曹溶家所藏

書中間有缺葉既無別本可校今亦姑仍其
舊焉乾隆四十三年三月恭校上

總纂官臣紀昀臣陸錫熊臣孫士

總校官臣陸費墀

欽定四庫全書

元詩體要卷一

明 宋公傳 編

四言體

四言最古經史韻語二南之前有矣其經聖人所刪者出自閭巷謂之風出自朝廷謂之雅用於郊廟謂之頌而有賦比興之分焉後人摹擬雖多終不得其情性之真今特擇其近似者置諸卷端使學者知詩之所自

孔林圖

集賢待制周侯能修禮於孔林侍讀學士商公
圖之史官揭傒斯詩之

我我尼山蔽於魯邦篤生聖人維民之綱尼山之下有
洙有泗有蔚孔林在泗之涘維彼聖人教之誘之凡厥
有民則而倣之維彼聖人覆之載之凡厥有民敬而愛
之既誦其言亦被其服孰秣其馬于林之側既誦其言
亦履其武孰秣其馬于林之下六轡既同周侯之東薦

之侑之聖人之宮其音洋洋其趨踴踴其臨皇皇聖人
允臧商氏圖之式昭其敬載瞻載思罔不由聖

味經堂

虞集

國子祭酒魯公伯子暉父作味經堂自為記以
勗其子遠公嘗命遠從予遊故賦此詩

維昔玄聖有子過庭學禮學詩詔之丁寧面牆之室繇
不知味親能使學不能使嗜觀于德容聽于德音詠歌
周旋實悅我心邈乎千載聖往言在舍而不求匪罔斯

殆畏友輩父窮經篤行既有諸躬思貽厥成既菑既奮
俾稼之食既畋既漁俾鼎之食作堂高明曰子遠來吾
經在茲遠其味之始於虛羸匍匐來食茹葷飲水以禦
朝夕窮人得歸自我父師俛焉斯文老至不知煌煌靈
芝如彼嘉玉薄言采之在彼中谷南陽之人來詹來言
君子豈弟宜其後昆

周待制致樂堂

揭傒斯

有堂渠渠在番之區維周壽母式燕以娛渠渠有堂在

番之陽維周壽母式燕以康斯堂何有有蘭有芷垂佩
蒞蒞維周之子斯堂何有有蘭有蓀垂佩申申維周之
孫曰柔曰嘗孔時且具維甘維旨承于壽母母曰寧只
福祿凝只升斯堂只我心平只母曰嘉只福祿遐只升
斯堂只我心和只

致樂堂

致樂堂者集賢待制周君奉母之所也蜀郡虞
集為賦詩曰

翼翼斯堂有閭有房夫人來居既來既舒既好既寧載
燠載清言闕于門以寫我誠有齊其馬有伉其軒為子
來者允貴且賢貴容舒遲賢有令儀爾因爾宗先君之
思翕爾兄弟具于嘉旨我飲我食先君之子詩言柔溫
禮言著存我撫我惠先君之孫樂哉誰氏維周壽母疇
克致茲周南仲子君子善頌文則多有又永歌之以導
燕喜

柏堂

揭傒斯

栢堂為劉母熊夫人作也夫人有淑德年二十
五而寡守志不嫁有子曰觀又賢作堂奉其母
請名於太史氏謂之栢堂而作是頌

鬱彼北堂言樹其栢其栢嶷嶷維木之特栢之始生于
彼高陵雨露其凝金石其貞栢之既成鳳臆鸞膺言樹
斯庭霜雪是憑霜雪浩浩其栢矯矯有美君子而弗偕
老其葉樂樂其節桓桓其居安安永世式觀我堂既構
我栢既茂天錫眉壽保艾爾後

騷體

騷辭楚之聲也始於屈原南國宗之為詞賦之祖

缺

其幽憂憤悱所以變風雅者也後人倣之故有招隱
士山中人望終南魚山秋風等作然亦不及於古蓋
今取其近似者錄之

白雲

劉因

白雲凝情兮佩月光白露結采兮明幽芳衆星皎皎兮
水波不揚渺予思之若遇兮耿在目兮而不忘音容若

兮形無方肅予中立兮四無旁子母歸來兮山高水長

又

白雲高飛兮杳不可尋靈風長往兮聲不在乎幽林皎
月東生兮忽西沈玄鶴何逝兮遺之音予思未及兮實
懷我心儵萬里兮捐所歆曠同遊兮啓雲襟子母歸來
兮山幽水深

雲山

王士熙

山氤氲兮出雲又泠泠兮以雨條日出兮雲飛山青青

兮極浦橫浮雲兮水粼粼
塞杜若兮采白蘋葦荷宇兮
桂為棟臨江舉兮悵懷人

子陵釣臺

廬摯

雲山蒼蒼兮煙木稠石瀨潺湲兮江水流故人兮冕旒
先生兮羊裘使人皆先生兮誰其伊周使人不先生兮
誰其巢由可仕止久速兮舍聖人將焉求清風一絲兮
豈為名釣蕉黃荔丹兮香火千秋岸下幾篙兮榮辱之
舟先生一笑兮白雲收

福源精舍

李孝光

采舟兮渙渙風將起兮無岸渚花兮白紅若有人兮為
粲相我樂兮未殫時幾何兮日旰極浦兮水深下有兮
龍吟洞簫作兮波浪湧送將歸兮于南諒佳人兮未遠
令我思兮何心颼風兮吹人曾波兮粼粼掇芳草兮寄
遠與我期兮陽春

洞庭迎送神

陳泰

我歲晏兮北行黯維舟兮洞庭詣靈均兮神宇女巫進

金華集卷一
今告情擊鼓兮坎坎心馳兮目短靈惝恍兮有無思
缺
度兮母遠

又

脩門兮延佇靈將動兮私語羣龍兮吹雲森天矯兮樹
羽擊鼓兮咽咽靈飈兮飛旋垂玉珥兮玄服映絃綖兮
華轂紛進拜兮主臣心夷猶兮平陸

又

我所悅兮霞觴儼將進兮翱翔盼靈光兮怵惕靈懾我

兮清揚醜酒兮茱萸荳蔻兮為殽靈飲此兮宜壽配南
箕兮參北斗介下土兮景福侑皇風兮永久

又

靈既醉兮日暮綠煙生兮南浦靈之回兮彤裳雖為文
兮螭章幽櫺兮閉夕窈窕兮望不極耿誰告兮靈辭羌
缺兮余思湘之濱兮有芷候南風兮來歸

選體

選起於蘇李之五言經梁昭明所選者謂之選詩

缺

去古未遠猶有雅頌之遺響焉今擇其委曲缺順有
闕世教可為後學矜式者錄之且以見古作者之難
得也

古意

吳敬庭

陰陽有代謝寒暑相推移人生百年內行樂當及時昔
日猶朱顏今日生白髭所以遺世事飲酒不復辭缺

南

缺

下千載真吾師

古意懷貢侍御

黃清老

娉婷二八女絕色妙難畫新粧薄鉛華照影脩竹下盛
年事夫壻錦玉耀精舍雖非伯鸞妻惓然惜春夜琴餘
月當軒默默倚風榭寄語東家兒紅顏莫輕嫁

擬古

徐天倪

皎皎機上絲織為遊子衣遊子蕩風塵素衣化成緇風
塵不可避四顧將何之豈不念潔白徒重翟子悲勗哉
如澣濯河水清且漪

又

娉婷閨中女天質知自愛空懷蘋藻心日月苦行邁寒
修意良勤遲遲如有待未嫁庸何傷失身將重悔

又

婉婉自結髮伉儷情誼深夫征日易久魚雁成消沉自
憐鏡中貌衰白將駸駸有衣為誰薰有花為誰簪顧影
雖無儔秉心猶斷金青天懸明月照影不照心

效古

黃潛

上山省明月下山月相隨月豈知我愛我行自見之故

山日已遠故人不可思殷勤謝明月願爾無時虧

又

擊石乃有火石火光不揚攀天亦有路天高路何長
嵯峨萬古雲下覆歌哭場富貴誠足多貧賤不可忘

又

女美衆所悅士窮世所輕輕重安足言
泥盡水自清淮陰初寄食曲膝胯下行
季子黃金多妻嫂來相迎自古已復然
歎息空吞聲

又

落花隨風吹各自東西飛花飛既不息水流復無極同
生不同歸能勿異顏色木生則有枝豹死則有皮悠悠
歧路間多言亦奚為

又

飲酒莫盡醉盡醉無餘歡讀書莫弔古弔古多悲酸蕭
艾蔽中野白露摧芳蘭鳳饑不得食鴟梟食琅玕去去
復去去采芝青雲端

止言 趙半間

蘇張舌如戟危人亦危身期期周御史千載稱直臣清
談每敗事諧謔良損神田翁有斗酒招手聚比隣所言
惟桑麻語語不失真

書事 白仁壽

太羹元無味大章本希音音繁入人耳味美適人心是
以保身難惴惴如臨深百戰苟一失勇氣未足欽今若
不學古後何法於今

書懷

王性存

九秋夜氣肅明時見休徵泰階列六曜湛湛平且平蟻
臣再拜祝乾坤永清寧不學兒女態抱拙祠雙星

又

有地莫種花有堤莫種柳花柳豈不佳而恐易衰朽吾
情非好異只種竹與葵竹存勁直操葵存本根思

本仁

李孝光

青青庭中樹有鳥巢其南戶牖聊自謀啄飲性所甘中

野有繒弋相戒慎勿貪

又

日出照我屋政見脊令飛鳴聲甚和樂永懷家人肥兄
弟既相好吾生式相依恩勤重自將父母詎可違

又

冬氣漸閉密百物盡零落中林有貞姿粲然獨先覺尺
蠖遽屈信天運不終剥勿言霜露酷熙陽已潛作

又

金人元九
卷一
旭日始曰旦有鳥鳴嘒嘒壯出得飲啄雌居完守巢幽
人念茲久尼父詎繫匏先民自重慎貴器藉白茅

下第南歸別俞伯貞

祝蕃

驅車出東門別酒忽在手去國古所悲况復失良友
芄丘中麥鬱鬱道傍柳揮手從此辭煙雲黯回首

落葉

鄧或之

秋庭晝無人落葉自滿地端居觀物化人生亦如寄
朝聞鳴蟬悲夕已見其蛻歲晏共蕭條臨風發長喟

暮歸

何失

獨老朝朝出或醉暮來歸
高樹挂新月山妻候柴扉
飲伴更相送欲辭意難違
感此鄉曲情淚下忽沾衣

梁仲文行卷

劉聞

青青江上柳遠行曾送君
自從君歸來幾見柳條春
行役如昨日行卷展猶新
如何卷中字半是古時人

遣懷

貢師泰

日入柳風息月上花露多
東軒頗幽敞夜靜時一過
鳥

金少卿八公集 卷一
散庭中樹蟲鳴階下莎北斗何低昂踈星沒橫河獨賞
誰晤語感慨成悲歌懷哉巖桂臺邈在姑山阿

采菱女

落日照淮甸中流蕩回光窈窕誰家女采菱在橫塘風
吹荷葉低忽然見紅粧紅粧背人去驚起雙鴛鴦鴛鴦
去復來煙水空茫茫

赴京別親友

崇堤衛芳塘塘上種楊柳楊柳年年青慈親未白首送

我不忍別出門復攜手親友陟高岡立馬望良久離情
急欲醉盡此尊中酒

姑蘇半塘別王季野諸友

壯志頗磊落別意何綢繆相送屢回顧欲行還暫留花
紅隔崇堤草綠遍芳洲所期各努力令德比前脩

擬古

東南有佳人遠在天一方綺疏絮飛樓曲闌圍洞房意
態閒且靜氣若蘭蕙芳纖阿謁姢服雜佩懸明璫流風

迴皓雪明月舒其光白面誰家子錦鞍青絲韉翩然一
見之下馬立中堂可望不可即五采盛文章

又

嶰谷有美竹挺挺霜雪中何人斷兩節製為十二簫宮
商自相應鳳鳥鳴雌雄一鳴垂衣裳再鳴致時雍從此
去不返治道竟少隆鄙哉叔孫氏綿蕝變王風寥寥數
千載伊誰啓冥矇后皇如有作聲教垂無窮

思與君別來

趙孟頫

思與君別來幾見芙蓉花盈盈隔秋水各在天一涯欲
涉不可去茫茫足煙霧汀洲多芳草何心采蘅杜青鳥
翔雲間錦書何時還君心雖匪石祇恐凋朱顏朱顏不
可仗那得不惆悵何如雙翡翠飛去蘭苔上

美人隔秋水

美人隔秋水咫尺若千里可望不可言相思何時已庭
樹多落葉日夕秋風起我今年已衰素髮擁兩耳回思
少年時容顏若桃李美人何當來一笑懷抱洗未見令

我思既見胡不喜

春日思遠遊

陳旅

春日思遠遊遠遊欲何止
角哀見楚王伯桃樹中死
出門逢路人天下無
二子春山一萬重
春江一萬里上有
無心雲下有無情水

結廬南山下

李孝光

結廬南山下頗紆故人轍
浮沉各自媚長愧生理拙
中園黃菊花契闊見晚節
平生匡濟心敢愛已獨潔
豈無

一尊酒可以療饑渴歸哉視汝菊將恐霜露結

衡門有一士

衡門有一士閉門恒苦饑俯仰良自惜日晏空絃歌小人未足畏君子或見之寧為蘭玉摧不願蕭艾滋

樂府體

樂府之名始於漢房中之樂繼而設官以薦郊祀後於燕射朝饗亦皆用焉歷代沿襲蓋有古樂府新樂府之別莫非諷頌當時之事以貽後世者其音調多

有不同今不復識別云

古樂府

黃清老

君好錦繡段妾好明珠錦段可為服服美令人愚不
如珠夜光可以照讀書

又

君好春芍藥妾好夏池蓮芍藥多艷色春風迷少年不
如蓮有實可以壽君筵

又

綿綿江上草鬱鬱庭中柯人生不相知有如東逝波食
杏猶苦酸食梅當若何衣褐猶苦寒衣葛寒更多豈無
千載友肯聽漁樵歌

行路難

章闕

奉君七寶鳳凰之綉柱五色麒麟之錦囊王母九霞觴
中之酒秦女萬縷爐中之香去年紅花今日開昨日紅
顏今日老一生三萬六千日歡日願多愁日少對吳歌
看楚舞歌舞勿勿變今古歸去來莫行路

歌白苧

李仲南

嬌如花美如玉越溪女兒十五六
光風入簾睡初足起畫脩眉遠山
綠飛香走紅三月心一聲白苧千
黃金高堂客散燈火深醉鬢斜釵
夜沉沉

車遙遙

楊子承

車遙遙若流水前車去無蹤後車來不已
白日無閒人黃塵沒馬耳空投一寸膠
不到黃河底

獨不見

窈窕一佳人鉛華淨如練臨風弄錦瑟其音哀且怨南
隣去乘鸞北里効飛燕小院落花深閒庭芳草遍日暮
掩朱扉如何獨不見

將進酒

泰山磨為塵桑田變滄海古來豪傑士一一竟誰在昨
日芙蓉花今朝顏色改人生匪金石不飲將何待

賦得城上烏送客

甘立

月落城上樓烏啼樓上頭一啼海色動再啼朝景浮馬

鳴黃金勒霜滿翠羽裘烏啼在故處人生多去留

堂堂

張翥

朝為堂堂吟暮為堂堂謳堂堂徒爾奇堂堂徒爾憂不
見膏與蘭煎燔祇自休勿以不遇故棄捐經與史勿以
勢利故棄捐廉與恥勿以形役故棄捐山與水謂夜未
遽央已復明星明仰視何煌煌白露忽沾裳懷人攬予
心何以弗永傷江北亦為客江南亦為客為客多偈兀
何以安所適上有君與親下有妻與息在山則種榆在

隰則種蒲馬牛必維婁舟航必需袂富貴富貴友貧賤
貧賤徒歲月來者多江湖逝者遠所願不可恃所期不
可迈幸此世累輕歸哉衡門偃

休洗紅

休洗紅紅在水新紅換作衣舊紅翻作裏回黃倒綠無
定期世情翻覆君所知

又

休洗紅紅減色雖好不如新着時須愛惜阿婆嫁女不

金史卷一百一十五
卷一
擇人鷄飛狗走長苦辛

烏夜啼

宋無

露華洗天天墮水燭光燒雲半空紫西施夜醉芙蓉洲
金絲玉簧咽清秋鼙鼓鞭月行春雷洞房花霧酣不回
宮中夜夜啼棲烏美人日日歌吳歎吳王國破歌聲絕
鬼火青熒生碧血千年壞塚穴狐兔烏銜紙錢掛枯樹
髑髏無語滿眼泥曾見吳王歌舞時烏夜啼啼為誰身
前惟樂身後悲空留琴瑟傳相思烏夜啼啼別離

公莫舞

公莫舞公莫舞鴻門王氣歸真主何人睚眦赤龍子手
循玉玦目相語令公莫舞公楚舞劒光射日白虹吐人
發殺機天不與撞斗帳中唉亞父霸業明朝棄如土

鴻門宴

楊維禎

天迷闕地迷戶東龍白日西龍雨撞鐘飲酒愁海翻碧
火吹巢雙猱猱照天萬古無二烏長庚破月來天隅坐
中有客天子氣左股七十二子聯明珠軍中十萬震屋

金一
卷一
瓦拔劍當人面如赭將軍下馬力拔山氣卷黃河酒中
瀉劍光上天寒彗殘明朝畫地分河山將軍呼龍客將
走石破青天撞玉斗

妾薄命

宋無

雲母屏琢春水蛟女織綃蟬翼輕比妾妾薄命比君君
薄情紅綿拭鏡照膽明還疑妾貌非傾城傾城從來有
人妬况復君心不如故故人心尚峰九疑新妾那能無
故時補天天不高填海海不深不食蓮萼不知妾心

又 李萃光

妾薄命當語誰身年二八為嬌兒阿母歲歲不嫁女二
十三十顏色衰天公兩手搏日月下燭萬物無偏私奈
何醜女得好匹一生長在黃金閨美人如花不嫁人父
母既沒諸兄疑寄書東家小姑道得嫁莫擇君壻好他
人好惡那得知失時不嫁令人老

又 楊維禎

妾薄命妾薄命當年破瓜顏色盛阿嬈何故壞家筵號

天莫雪阿彌冤低眉含羞不敢議風雨幾番寒食天今年復明年鴛鴦綉被長孤眠君不見并州剪刀金粟尺挂在深閨塵素壁誓不與人縫嫁衣閒看蜻蜓蛺蝶飛

鍼線婦

針線婦針線婦黃塵滿面蓬滿首少年嫁夫甚分明夫死猶存舊箕帚南山阿妹北山姨勸予再嫁一力辭涉水采蓮上山采薇采薇采蓮可以療饑昨日偶過閭門口閭門譁然嗤老醜老醜養身自有能萬兩黃金在織

手上天繡出雲錦章繡成玄黼舜衣裳舜衣裳與妾立
古節揚清光辨妾不是邯鄲娼

楊白花

貢師泰

楊白花無定止昨日宮中飛今朝渡江水江水茫茫千
萬里綿輕雪薄春旖旎把臂踏歌歌未已石頭城邊風
亂起楊白花無定止

一車南送孔博士

李孝光

一車南一車北山川悠遠無消息野風吹草朝日黃羈

旅獨憎締綵涼男兒生身高七尺何可相思損顏色西
市日日賣鯉魚魚中會有遠寄書

高郵城

揭傒斯

高郵城城何長城上種麥城下種桑昔日鐵不如今為
耕種場但願千萬年盡四海外為封疆桑陰陰麥茫茫
終古不用城與隍

西城路

張翥

西城路多少人從此中去昨日紅顏美少年今朝白骨

委黃泉縱令藏金比山積鬼伯不受人間錢少年何用
誇豪富來看城西送人處

柏梁體

柏梁臺名漢武所築臺成詔羣臣能為詩者得上座
及各賦詩不以對偶而每句用韻後人遂名為柏梁
體曹丕效之為燕歌行然其詞語清健逮若差勝云
今所錄者僅彷彿耳

贈海康舉進士者

范梈

聖主徵儒用文學翩翩五士起海角元戎虎帳飛薦鸛
泮水成材玉新琢吉日舉餞鐘鼓作皇華大夫綉朱襮
快馬鑿蹄輪脫斲相送西風出郊郭問君此行事何若
於菟要是赤手縛候雁南飛不踰嶽洞庭山秋木葉落
詞場先鋒奪霜鏢萬里青山上黃鶴明光宮中問禮樂
董生策有經濟畧一朝聲名動河朔往取青紫如六博
前年禮闈開峻擢明當接武絲綸閣歸來錦衣照丘壑
人生無如進士樂勗爾高步翔寥廓

謝鮮于伯機惠震琴

云是許旌陽手植
桐作趙孟頫

仙人已歸白雲中空餘手植青枝桐根柯盤鬱如蛟龍
一朝霹靂驅雷公烈火半熟隨狂風箕子之裔多髯翁
才氣邁俗驚愚蒙抱持東歸尋國工斲為二琴合商宮
我來自此欣相逢持一贈我為我容自吾得此不敢慵
中夜起坐彈秋鴻下絃清冷上黃鐘轉絃更張涕滿胸
黃虞已遠將毋同恨君不識牙與鍾恨我不識瞽與矇
周南大雅當誰從

題文山集

林景熙

黑風夜撼天柱折萬里飛塵九溟竭誰欲扶之兩腕絕
英淚浪浪滿襟血龍庭戈鋌爛如雪孤臣生死早已決
綱常萬古懸日月百年身世輕一髮苦寒尚握蘇武節
垂盡猶存杲卿舌膝不可下頭可截白日不照吾忠切
哀鴻上訴天欲裂一編千載鴻光發書生倚劒歌激烈
萬壑松聲助幽咽世間淚洒兒女別大丈夫心一寸鐵

秋夜長

劉楚

月出烏啼城上頭，閨中美人人生遠。
愁銀河迢迢當北樓，褰帷弄影揚清謳。
月光如水地上流，珠箔微茫懸兩鉤。
羅衣半捲涼颼颼，起坐數盡寒更籌。
更籌數盡明不發，明日鏡中生白髮。

楊白花

李冶

帝家迷樓春晝長，紫笙吹破百花香。
薔薇凝碧琥珀光，燕語鶯啼空斷腸。
枕帷紅淚洒瀟湘，玉鏡臺前添午粧。
茜羅綬帶雙鴛鴦，蝴蝶趁雪上釵梁。
千里萬里雲茫茫。

山中居

鄧文原

山人獨向山中居，風雨不庇三椽廬。
短衣破帽家無儲，形忘意適心自娛。
掛壁拄杖懸珊瑚，鬼神遁跡蛟龍趨。
眼前不識為妻孥，生平豈解躬耕鋤。
黃精采苗供曉餽，碧溪飲泉傾瓠壺。
行歌紫薇眠枕書，夢遊滄海坐釣魚。
雲霧煙霞同卷舒，狙猿麋鹿相驚呼。
巔崖蒼蒼日欲晡，舉手撫掌笑挽鬚。
起望八極吞五湖，喬松在足馮空虛。
有客跨鶴來須臾，龐眉皓齒當坐隅。
綺語唾落飛明珠。

翻身別去登康衢寄言擊壤人有無茅茨風俗今何如

小孤山

王廓

江上青山一劒孤氣虹夜貫牛斗墟寒藤古祠神所居
謾說彭郎迎小姑俚言不經聽者愚舉世孰與明其誣
山下長江通蜀吳飛廉怒鎖千舳艫乾坤變色慘不舒
竿摧纜絕愁萬夫初疑破虜遇老狐又訝伏波留賈胡
陽侯負弩雄前驅馮夷擊鼓嚴後車六鯨掣釣軒蓬壺
八駿按轡鞭龍魚神靈怪駭千萬殊縱有健筆難窮書

一官長沙賦歸歟三年卧病南陽廬故交新貴一字無
扁舟夢鱸松江鱸行或止之不可虞呼童取酒聊自娛
短歌激烈驚樵漁掀髯一笑誰和予隣商去住依祝巫
盤飧拜祠檣上烏百錢之利衆所趨浪走不待晨鷄呼
進銳退速中乘除未要冒險爭前途江山正自不我踈
我亦樂與江山俱安得匹素百尺餘他年寫我東遊圖

采石月題蛾眉亭

陳孚

昔年李白身翩然袖裏明月飛上天剛風吹度瑤花前

雪兔跳落千丈泉白今已去八百年明月猶向江中圓
我行萬里擁使旃柳根偶繫東歸船三生似結明月緣
鏡光射牖窺我眠夜深忽夢羽衣仙神如碧沼浮青蓮
脚踏赤鯨跨紫煙問月何在搖玉鞭聳身忽滅形翩翩
覺來試鼓朱絲絃起誦國風月出篇開蓬視月月滿川
魚龍吐浪聲濺濺

歸去來圖

劉因

淵明豪氣昔未除翱翔八表凌天衢歸來荒徑手自鋤

草中恐生劉寄奴中年欲與夷皓俱晚節樂地歸唐虞
平生磊磊一物無停雲懷人早所圖有酒今與龐通沽
眼中之人不可呼哀歌撫卷聲嗚嗚

贈吳主一

揭傒斯

曹南吳主一妙年力學能文章尤工隸書近自
豫章以職事至京師過予劇談竟日忘去忽以
別告令人惘然詩以奉送

國朝分隸誰最長趙虞姚蕭范與楊趙公溫溫蔡中郎

虞公格格由鍾梁姚蕭二公撼中邦豈以筆法窺漢唐
蕭守高尚姚文章范公清道不敢當縱橫石經元老蒼
楊侯起家自洛陽華山之碑早擅場旁出掇入無留藏
曹南吳氏俊且良古意颯颯浮匡箱商盤周鼎儼作行
利圭削銳伏景光宜伸而縮圜使方外若椎魯中堅強
趨新驚巧紛披猖欲辨輒止心孔傷金陵皇象劒戟張
中山夏丞鼎獨扛二碑分法古所臧隸多分少須精詳
君方妙年進莫量更入二篆君無雙近者吾甥有陳罔

昔師楊氏今顏頤見之為道安毋忘

送俞觀光

黃潛

寒窻讀易吻正悲坐間剝啄走啓扉衝風蹋凍至者誰
俞子訪我繇剡溪相逢把臂語移時婦女驚笑羣兒疑
俗物病我不可醫眼明見此珊瑚枝朝來贈我天馬詩
忽然掉頭去莫羈鼻端氣息干虹霓詎能折腰向小兒
文章技癢聊爾嬉策勲聖處今毋遲繫我愛子莫助之
臨歧躑躅徒嗟咨

丁未別酒

孫伯善

蒲萄綠漲春甕香銀槽酒滴秋漏長紅樓日夜調絃簧
暖花凝面眼生光禾生越壠秋不黃令行斤絕九醞方
伯倫玄石愁茫茫玉缸傾倒碎玉觴明年築圃家萬倉
賓筵介壽歡高堂

池中白蓮

孫元寶

藍宮夜涼張暑宴仙姝散花水晶殿霞綃中單雲錦緣
黃金為房玉為鈿翠旌導前寶蓋殿霓裳中序按未遍

一人素衣持羽扇頎然中立白玉弁羣姝被酒酤發面
冠珮傾然醉相盼彼我弁者色不變以口承露不肯嚙
終然貞白難為薦獨向西風抱清怨

江南樂

薩都拉

江南樂春水紅橋滿城郭出門不用金馬絡門前畫船
如畫閣綠紗窻虛春霧薄隔窓蛾眉秋水活翡翠冠高
羅袖闊楚舞吳歌勸郎酌紫竹瑤絲相間作船頭柳花
如雪落船尾綵旗風綽綽秉燭夜遊隨意泊人生無如

江南樂

元詩體要卷一

欽定四庫全書

元詩體要卷二

明 宋公傳 編

五言古體

詩以古名蓋繼三百篇之後者世傳枚乘諸公之作
是也然比興少而賦多今取其語精而不俚意圓而
不滯優游而不迫清婉簡淡而有餘味者列之

貧士

劉因

陶翁本強族田園猶可依我惟一畝宅貯此明月輝翁

復隱於酒世外冥鴻飛我性如延年與衆不同歸孤危
正自念誰復慮寒饑努力歲云暮勿取賢者悲

陶母待賓卷

趙孟頫

范遠誠孝廉陶侃固英特英特未可知門有孝廉客傷
哉陶母貧剪髮易酒食此意固自佳此髮足可惜此髮
足可惜兒心將奈何丈夫淡相與豈在酒食多平生郭
林宗何如茅季容

陶淵明歸興圖

揭傒斯

家貧無酒飲，聊欲試絃歌。
去家百餘里，邈若異山河。
江上日多風，浩浩水增波。
門前五柳樹，繁蔭空婆娑。
秋田已收成，歸計當如何。

彭澤陶氏家譜

虞集

百甕在戶外，五柳當門前。
燕歸王謝宅，人依墟里煙。
述德尚千載，人情猶昔年。
以安遺子孫，高哉為世賢。

觀花

挂巾花樹枝，酌酒花樹下。
風吹巾上塵，花落手中筆。
清

金史卷八十二
卷二
唱起相壽母遽且聊暇流光急人去莫怪行樂者

秋懷

甘茂實

秋雨種白髮一滴生一莖半為作詩苦半為憂天傾天
傾或可補詩苦終無成朝來覽青鏡何時再後生不如
原上草秋死春復榮

感秋

趙孟頫

白露泣然墜草木日已凋閑居無塵雜日薄風脩脩登
高寫我心葵扇欲罷搖感時撫逝水回睇仰層霄松喬

在何許可蹈不可招願言從之遊懷古亦何遙

山行 黃清老

愛山不知倦緩步成幽尋觀泉度疊嶂攜日穿層林
眺彼枝上鳥少憩松間陰蕭然清風來發我松下琴
白雲邀我飲流泉永我吟曾謂塵中人不知君子心

又

采采岩下菊菊花老壓地白露飄我衣擷英不盈袂
舒然松子落松下遠風至沈吟不成詩支筇領山意

招友人

暑雨洗餘花，塵慮日蕭散。
芳草綠如茵，空林坐春晚。
遙思江上客，尊酒愧折簡。
臨流擷嘉蔬，共此林下飯。

訪子威都事不遇

清曉抱綠綺，來就夫君彈。
夫君久已出，野水流花間。
石澗度微雨，秋生湖上山。
松陰坐永日，心與雲俱閒。
人事有離合，白鷗聊共還。

番禺舟中聞友人消息因贈

宮堯九天門玉署青瑣闥老我煙霞心參商坐寥闊十
年望春雲不忍鑷白髮鴻雁還塞來頻頻附書札江湖
秋水淺舟楫苦不達不知南山陽梅花為誰發

衢江舟中懷江實夫

吳秋

仰止爛柯山故人渺何許行舟不可艤回缺重延佇涼
風吹客衣秋樹濕殘雨多情雙鷺鷥翩翩缺洲渚

客舍懷余成季

汪立

夕陽在青山山高夕陽早美人未歸來山缺碧雲好穉

子候門前酒熟黃花老

山中夢母

劉叔遠

霜月照屋壁霜風湧江波終夕不能寐展轉思懷多
忽夢吾母來宛然度山阿但問兒衣薄語短不及他
兒寒尚可忍地下知如何

又

生時不自力猶繫九京心當時手中線依缺夢中尋線
固不可尋淚亦不可禁高堂有慈父欲哭此夜深開門

月如洗烏鳥號空林

湖上觀春

缺

閉門五日雨出門萬山春湖光忽見我搖蕩白雪新九
節瘦筇杖一幅故葛巾桃花忽相笑聊復此紅塵有錢
困鞭算有官繫外申洞然宇宙間餘此自在身但恨不
能飲我亦無事人

宿村莊

趙半間

涼吹搖青燈穉子供濁醪寒影忽在壁短髮何蕭騷且

持竹根枕卧聽蒼松號紙衾穗蒙首背癢不得搔須臾
作奇夢小艇飛洪濤驚覺白滿榻晴月牕前高

風雨

何失

池上風雨來柴扉人跡絕隔水煙氣生林峰半明滅蛤
吠秋草深魚驚晚荷折孤卷倚匡床微紅隱天末

老病

老病積漸來筋力日覺墮南園一步地杖藜不能過階
前宿雨晴屋角紅日大不是賣花聲曉夢誰驚破

病起

吳缺

人生百年間往往如過客吾生未

缺

早已白自

持歲寒心謬比松與柏衛生乏良藥疾病

缺

侵迫天運

苟未窮流年豈終厄依然冰雪姿蒼蒼見

缺

色

夜坐

劉叔遠

雲行樹陰薄風過樹陰歇雲風弄清夜政

缺

無人知惟

聞牆根水泠泠下幽池

送邵元道

袁侑

仲連匡世資揮手却秦軍掩袂停白日登車抗浮雲射
書成草草孤城死生分辭榮敷薄俗矯抗離其羣

又

虞卿舌轉九揣事精微茫艱危見交態窮愁名益光黃
金散逝水白壁凝飛霜丈夫有定志得失非豫防

又

梅生一尉微喋喋正天紀洗心洞元化削跡無妻子龍
變孰為馴蟬蛻乃真止松回風泠泠水落石齒齒

代荅邵農

曾懷可

農父跪且言兵後常凶年軍中有牛犢原上多萊田為
農敢愛力豐歉固在天隴頭麥青青馬食不敢鞭

寄友人

劉珍

相別豈不易相見良獨難迢迢白雲城渺渺羊角山夢
長覺道遠迹滯愁春殘知音曠何許取琴為誰彈

憶友人李雲南

趙半間

送客出荆扉忽見青青草故人別經時恍隔千里道千

里固不遙咫尺夢難到孤鳥安朽株行雲在晴昊敢歎
會無期坐念春風老

寄黃士謙

劉叔遠

放歌出東村思弄川上雪清風吹湖波驚散波上月美人
載美酒舉棹搖秋霜把酒勸青天青天忽盈觴揚帆
掛白雲鷗鷺同飛揚歌罷一長嘯忽然江水長懷君不
可見流恨滿瀟湘

送胡正辭

盛景年

春水淡無姿垂楊雨方綠送人南浦岸飛下雙鸛鵲
鵲羽翼短只過溪南宿征帆順風去萬里隨鴻鵠趨名
莫憚勞既榮還慮辱賓階有富人清論俱成俗東吳開
漕府郎吏明如玉時艱海亦枯莫盡杯中醪

待馬易之不至

幽人期不至獨依庭樹行不覺出門去滿湖春水微
雨立橋上遣人騎馬迎應想來漸近隔街聞語聲

題山水畫

待渡見孤舟穿林望高閣雨餘泉脈動日照巖光薄閑
戶茅屋深汲水松花落回首白雲間兩人相對酌

遊鳳林飲周子順宅

芙蓉隔秋水水深不堪采小階涼氣生空牆竹陰在盃
行日暮頻人情醉中改忽驚潮水來門前有東海

萬頃雲亭

浮雲海上來西橫太湖過散彩涵秋汀垂陰入虛坐日
照天影移風吹浪紋破開牕綠樹間何人讀書卧

白鶴觀

幽徑松竹青人行陰露滴獨犬下階眠一嫗當門績旗
幢高殿閉鐘磬虛堂寂道士不相逢蛛絲懸素壁

李陵泣別圖

江垕

黃雲黯將暮白日寒無暉送客度河梁惆悵

闕

為雖善行按轡姑遲遲初心孰予察後罪甘

闕

既堪去我乃無家歸陽春滿皇都長負平生

闕

王濟川風樹堂

貢師泰

淒風被林木雜運無寧柯欲養親弗待歲月

闕

人感終極子今傷如何有哺烏在林有祭獺

闕

與南陔悲思徒增多

何氏永思亭

闕

上山山有巔涉水水有涯父母恩罔極孝心

闕

吹庭前樹鳴聲一何悲白日墮青天零露委

闕

不可作遠者猶可追哀哀蓼我詩以永千載

闕

舒經歷澹齋

闕

高人坐堂上青草滿階生鈎簾知雨過拄笏

闕

鳥忽飛來餘花落前榮靜觀宇宙間超然忘

闕

彈琴

闕

明月照中堂光彩爛華席美人援素琴聊以

闕

聲起天末四座慘無色羈雌動疎林候蟲在

闕

京國彈一彈三太息豈傷時序遷知音難再

闕

畫蘭

闕

光風吹碧草零露被芳畹美人秉幽貞獨立

闕

香楚山深悠悠湘水遠何當結瓊佩寄此情

闕

題潘叔寬望雲圖

闕

日入無返照雲出有歸期雲歸在山阿親死

闕

新不可見亦有墓與祠朝望怡我目夕望

闕

白楊樹露滴青松枝翩翩華亭鶴鳴聲一何

闕

雲作孰繼南陔詩

湖上納涼有懷吳子彥

闕

天風吹海樹瑟瑟秋氣涼河漢西北流衆

闕

我同袍友遠在水一方相思不得見展轉

闕

鳴笳發攬衣月蒼蒼

與范子澤

李孝光

仁人在高位幽士適中林出處原一致持爾耿介心黃
流受圭瓚秋蘭盈我襟故人既如此朱絃有遺音

又

夷吾菁茅謀仲父四方翰悠哉南山歌夜永何時旦北
風吹短衣千載有餘歎相見且樂酒況也雲雨散

又

佳菊有芳氣鳴雁忽南征故人在海縣重此話平生蹤
跋黃塵下乃見玉雪清丈夫各有適賤貴足交情

賦詩分得欲雪

鳥雀不畏人嘖嘖上庭樹蕭條山日黃慘澹江氣莫遊
子未得歸天嚴風斷渡

長干行

秋風從西來吹我庭前樹聞歡在揚州却憶姑蘇住佔

客離長干教儂寄書去

出直次韻

虞集

月下白玉階露生黃金井
疎條棲鵲寒衰蕙流螢冷
戀闕感時康懷歸覺宵永
晨鐘禁中來白髮聊自整

趙千里出峽圖

巨舟臨峽口衆工志如一
各以所操濟雖危萬無失
所憂至平曠玩肆生縱逸
毋俾持釣翁倚岸三太息

江道士清虛館

揭傒斯

遺紛極玄覽宴坐白玉京日月朗朝夕河漢流無聲
冉冉兩玉童雙吹紫鸞笙下視九九州浮以四大瀛
萬劫猶一瞬逍遙樂太清

韓晃土星像

五行土居中百歲牛有功土行降為神騎牛髮翁翁有
土復有牛惟神賜年豐誰知韓晃意政與皇心同

送王君晃歸陝西

黃清老

麥熟天乍熱開軒理瑤琴茲晨有客至一徑蒼苔深日

出樹影倒曠坐分綠陰清談落餘花松風雜幽禽君子
希道德永言結同心

又

狂風捲茅屋遙見江上山人生有遇合離別何足歎黃
鵠將西歸臨水振羽翰我有雙明珠置之青雲端朝朝
復暮暮照君千里還

又

少年處山谷壯歲游京師性本猿鶴羣焉能牛馬馳曩

金方山集卷二
有採薪憂挂冠願為鑿近得聖賢心讀書甘如飴習貫
已成癖豈無君子知

又

十載宦京輦田園就荒蕪茲焉擬歸耕休馬南山隅舉
酒樹色動燕鶯鳴相呼流水既送君白雲亦邀予錦囊
可贈遠愧非明月珠

懷長源

劉祁

涼月夜如水秋風吹紫蘭獨居悵無聊佳人阻河山河

山邈千里相望何時已雲橫鴈影沉露下蟲聲起烽火
照中州西南殺氣浮君居劉山下果若向時不人生有
離別但惜知音絕匣內卧青蛇光芒射秋月汴水碧參
差葉飛空樹枝如何相憶處還值暮秋時

懷醉愚翁

李主敬

天地無秋風白髮何從生由來豪傑士有志竟何成玄
臺一朝閉窅窅不復明唯餘松桂月照徹古今情

又

死者不復生知已難再得所以伯牙琴破之不自惜落
月轉林坳驚鶻墮如擲入室聊就眠蛩語聞四壁

哀陳童子

南山有鳳雛飛來上林樹祇承朝陽輝不食秋夕露

原闕

[illegible]

酬戴率初

趙孟頫

仙人海上來遺我珊瑚鈎晶光奪凡目竒彩輝九州自
吾得此寶晝夜玩不休生世未恨晚及與斯人儔惜哉
無瓊玖可以結綢繆世德日下衰古風向誰求蛾眉亦
何有空受衆女仇適俗固所願違已良足憂感子贈言
意再拜涕淚流安得騎麒麟從子以遠遊

送涂雲章訪舊武昌卻入京師

揭傒斯

垂雲厲驚風萬里摩高圓蟠泥鼓巨浪豈願九重淵毛

生入楚庭穎脫俄頃間粲粲涂公子長嘯起丘樊朝辭
豫章臺莫過匡廬山大帆割鸚鵡極目空波瀾黃鵠錦
袍仙吹笙紫霞端相顧一笑粲青春滿南天黃金築高
臺更覺郭隗賢聯翩樂劇輩相逐入幽燕平明九門開
劍佩踰五千豈無一字薦傾倒平生言東風杏花開待
我薊門前

贈王郎

王郎楚狂士意氣飛秋霜讀書一萬卷下筆數千行富

貴視浮雲况肯矜文章十五耻閭里掉臂辭故鄉夜宿
東海月朝買西州航瞋目王公前結客少年場一飲或
一石一醉或一觴寧揖屠狗人不與俗士當千金不見
笑歲暮單衣裳阮籍在窮途英聲連四方鸞鵠有時隱
反愧燕雀翔世無劇孟交不及青樓娼燕趙如花人翠
袂黃金璫不識豪傑士空媚癡與狂王郎遠過我坐我
枯藜床終夕無酒飲撫髀歌慨慷平明別我去極目空
茫茫

趙逢原失母得之瀘南其孫求詩

陳旅

母子不相見飄零三十年飛雲散九野瀘水聲濺濺百川盡東注雲飛散還聚無情會相逢而況子求母淒涼汴中宅池臺翳荒榛峽船載華髮鼓枻江南春作堂種諼草諼草日以好淮上已罷兵江南可娛老

郭孝子

金臺有孝子郭氏名壽瑛壽瑛執親喪晝夜聞哭聲負土起崇塚栽松翳玄扃瘦骨寒嶽立苦淚春河傾視容

日梅梅一朝廢雙睛復扶大母柩冥行出蕪城願言畢
序葬身瘞心則寧里人問孝子過毀聖所懲孝子哭且
答我非敢傷生有淚不哭親惡乎用吾情親死我目在
徒能視無形黃泉相見日無用此目明吾聞壽瑛語悲
愴不自勝昔人曾有言五色令目盲長年悅芬華眉斧
戕心精視此郭孝子愧色能無頽而我嗜讀書昏花散
秋燈思親不能哭涕泗空填膺

杜節婦董氏無子

杜曲有好花盈盈映春水芳月忽已晏好花難結子年
年寒食時花落水邊墓狂風吹不去盡作墓上土白頭
不偕老千古同懷抱獨憐墓中人羨殺杜有道

杜節婦

揭傒斯

結髮事夫子白首如相期諧宴方婉孌生死遽分離室
中無長男堂上無老姑生計日蕭條誰分心不渝良馬
不亂羣仁鳥不亂行昔者為夫婦今忍遂相忘生為董
家女死作杜家婦安能若流水東流復西注春秋陳時

祀蘋藻夙所共一朝祭無主焉得不沖沖灼灼庭中花
落落俱為實賤妾在空閨志願從此畢

七言古體

古詩七言從張衡四愁詩來變柏梁體耳唐初王子
安滕王閣詩宋之問明河篇語皆未純至王岑李杜
方成家數是編凡清壯奇麗雄深渾厚其音律皆足
以為法者取之

感秋

劉因

湘絃悠悠阻清音
駕車欲往洛水深
白榆一葉警河漢
萬里碧霄中
夜心玉鸞翩翩紛翠羽
髣髴機絲隔煙霧
瓊枝難得芳華年
惟恐流光兩遲暮
河旁有星名牽牛
此星既出令人愁
明朝再見明河影
已隔人間萬古秋

鄧州城樓

元好問

鄧州城下湍水流
鄧州城隅多古丘
隆中布衣不復見
浮雲西北空悠悠
長鯨駕空海波立
老鶴叫月蒼煙愁
自古江山感游子
今人誰解賦登樓

登黃鶴樓

劉立雪

西風吹我登黃鶴，白雲半在闌干角。
題詩不見舊時人，惟見青山俯城郭。
萋萋芳草鸚鵡洲，江水滾滾來無休。
歲月俯仰成春秋，古人今人無限愁。

姑蘇臺

李坦之

吳王宴罷歌臺晚，斜日清江映闌檻。
臺上西施醉捧心，江邊東越愁嘗膽。
鴟夷罷尸去不還，麋鹿散迹遊其間。
秋深明月照高樹，驚鳥啼落丹楓寒。
功名獨羨陶朱子。

一葉扁舟弄雲水

登岳陽樓

段惟德

羣江西來與天平天壤巨浸開洞庭雄吞三湘隘七澤
中蟠萬古君山青我行持節按廣海驛騎暫駐巴陵城
巴陵城樓冠天下風軒月戶雲霧屏平生夢想今始到
危欄乍倚心魂驚初疑太極渾未判日月往復凌空明
又疑此景墮物外弱水萬里環蓬瀛湖山得意有如此
況乃佳客聯簪纓金盃浮動玉色酒滿懷清思春雲生

魚龍掀舞怒濤起
眼花落日搖青冥
軒皇廣樂妙遺響
芳洲寶瑟愁湘靈
丹丘謫仙竟何許
幾欲八表追遐齡
孤心未了忠孝願
敢念綠髮潛凋零
聖神一視無遠邇
恩風化雨洽四溟
尋常嘯聚犬豕耳
瘴煙一洗霜天清
歸鞭咫尺覲慈母
細語八千山水程
孰能閑置若新婦
正欲磊落肝膽傾
飲酣拂袖下樓去
忽聽過雁雲邊聲
奉酬段御史登岳陽樓之作時分理盜賊至海康

范梈

誰能手鋪湘水平剗却君山看洞庭昔人已騎黃鶴去
樓前亂芷春蘭青豈知綉衣後千載遠違鳳闕來江城
憑高弔古落日紫領客置酒開雲屏酒酣點筆賦新句
薄海傳誦令人驚憶我初遊白玉京與君聯步趨承明
手宣王猷敷帝績濟濟學士如登瀛一行竟墮萬里外
回首滄浪思濯纓守官區區事無補惟有白髮欺人生
咎何水外萬竹底四時鳥語煙邊冥忽忽此地復相見
恍如幽夢求仙靈中宵秣馬不遑暇君又北鄉予南征

如茲後會復何日念之使我雙涕零宮中聖人總四溟
所過海岳須澄清鐵冠我我望天下青雲快覩皆脩程
由來豺虎伏仁獸況有鷹隼當秋橫明夜相思隔雲島
月落高臺聞笛聲

澄碧堂

唐琪

黃河一清三千年行潦滅沒崑崙源我當濯足萬里外
却怪塵土生青天何如曹溪一滴水太阿削平如礪砥
三江五湖不敢流滄海無風清見底沅湘有脈通神州

乾坤無根元氣浮青天在下水在上鑄出一片玻璃秋
道人對此心自定冷射瞳光雙月影玲瓏鑿開雲霧窻
悟作虛空大圓鏡

過魯港驛和酸齋題壁

薩都拉

吳姬水調新腔改馬上郎官好風采王孫一去春草深
漫有狂名滿江海歌詩呼酒江上亭墨花飛雨天不晴
江風吹破蛾眉月我亦東西南北征

題陳孝子傳後

張翥

昌化陳南仲幼失其生母王氏尋之六年後得之永豐縣禮賢鎮之施氏胡石塘先生作傳

百丈山前妾辭主禮賢鎮中子逢母三十年餘一日同白髮相看淚如雨阿嬈去時未斷乳兒壯得知心獨苦清湖老嫗天所留逆旅主人神使語歸來桑竹溪之許婦前持觴孫起舞雙瓜生祥表秋圃豈待旌書動官府吳人買妾紛莫數歲滿母歸遺子女巷南巷北不相覓况復山川兩脩阻烏乎千秋復萬古孝子之名在寰宇

世上滔滔忘母人不愧唐昌一杯土

題李伯時九歌圖

盧肇

蒼龍駟車載初陽綠天浮春開八荒連蜷非霧儼冠劍
四三神君翼東皇桂醕盃烈蘭餽芳楹筵巫覡紛披猖
瑤琴衿衣杳何許兩妃倚竹臨空江野煙顰翠九疑遠
暮雨灑恨湘波涼馮夷暗投明月璣山鬼夜嘯猿猱悲
長歌撫節懷楚纍遺音踈越知者稀築室賴有佳人期
紫壇荷屋薜荔帷汀洲聊堪塞杜若怨公子兮悵忘歸

愧毫怪墨含古色虎頭癡絕公麟癡續騷未成今見畫
忽欲輕舉超無為朝來目送秋雲飛

淵明歸來圖

留侯晚節遊赤松武侯早歲稱卧龍亡秦扶漢聲隆隆
淵明初非避俗翁兩侯大節將無同陽秋特書晉甲子
辭鋒時露長沙雄易地灞上岐山功王弘何幸奉吾足
督郵能芥平生胷歸來種荳南山中斜川只許桃源通
門前五柳春濛濛落絮不與江波東環堵蕭然吾未窮

北窻儘有羲皇風畫圖不盡千古意詩成一笑浮雲空

題赤壁圖

王璫

我昔南遊過赤壁會上磯頭訪遺跡吳魏勝負了無聞
一曲漁歌楚天碧黃岡遷客峨眉翁道同北海人中龍
羈懷得酒逸興發扁舟夜泛空明中江山如許誰賓主
醉挾飛仙夢中語直將天地等浮漚三國周郎曾比數
神遊八極空畫圖開卷彷彿瞻眉鬚清風千古凜如在
悠悠目斷江雲孤

題陳希夷像

萬石德躬

花項君王瓦棺冷柴家陵上西風緊殿前點檢不知名
醉眼摩挲睨周鼎白晝龍虎缺天階紫微小星何佔哉

先生大笑出門去明日華山歸去來山色還如舊時好
流水小橋散芳草千載誰知驢背心芒碭雲深入孤鳥
汴城我我汲水流江南江北數百州秦王未已晉王起
人間萬歲更千秋

楊妃春睡圖

楊維禎

沉香亭前燕來後三郎鼓中放花柳西宮困人春最先
華清溶溶煖如酒雪肢欲透紅薔薇錦襠卸盡流蘇幃
小蓮侍擁扶不起翠被卷作梨雲飛蟠龍髻重未勝綰
燕釵半落犀梳偃晚漏壺中水聲遠簾外日斜花影轉
琵琶未受宣喚促睡重紵腰春正熟不知小棚思塞酥
夢中化作銜花鹿

白楊河看月

揭傒斯

白楊河上看明月昔人曾見今人別茅屋數家河上村

化作三山白銀闕波平風靜棹歌來萬頃沖融鏡面開
今夜江南憶遊子空瞻雲漢上昭回茫茫萬里燕齊路
北斗縱橫泰階曙黃河東逝月西流明日南風過洪去

雨述

近聞閩中瘴大作不間村原與村郭全家十口一朝空
忍饑種稻無人獲共言海中列城好地冷風清若蓬島
不見前年東海頭一夜潮來淨如掃

碧簫酒

楊維禎


碧筩彎彎象鼻長天然水府成壺觴玉姬缺面注醺醺

鐵仙入口呼瓊漿銀河潛通藕絲濕水液倒滴蓮房香

翠盤當頂漾風色綠雲壓掌搖虹光量吞滄溟一盃小

氣挾太華千丈強相如渴肺許可借玉川枯吻焉缺

主人留我住一月半池不待經秋霜



元詩體要卷二